



REPUBLIKA E KOSOVËS
KOMUNA E MALISHEVËS



Drejtoria për Bujqësi, Pylltari dhe Zhvillim Rural

Nr.Protokolli: 08/05

RAPORTI I PUNËS PËR VITIN 2023



Malishevë, 2023

PËRMBAJTJA

Projektet;

1. Përkrahja e blegtorëve me subvencionim të qumështit përmes pagesave direkte qumësht/litër për 6 mujorin e dytë 2022 (faqe 4).
2. Përkrahja e blegtorëve me subvencionim të qumështit përmes pagesave direkte qumësht/litër për 6 mujorin e parë 2023(faqe 5)
3. Subvencionimi i fermerëve me Pagesa direkte për Bletari, dhe Blegtori (dele dhe dhi), (faqe 6).
4. Përkrahja e fermerëve përmes Organizatës “QATAR CHARITY” (faqe 7).
5. Përkrahja e fermerëve me Mekanizëm Bujqësor (faqe 8)

Aktivitetet:

1. Thirrja për aplikim për Pagesa Direkte për qumësht/litër sipas kategorive të cilësisë, therjet e raportuara të gjedhit, viçat për majmëri dhe akuakulturë për gjashtëmujorin e dytë 2022.(faqe 9)
2. Thirrja për aplikim për pagesa direkte për vitin 2023 nga Ministria e Bujqësisë, Pylltarisë dhe Zhvillimit Rural (faqe 9,10,11,12)
3. Dëmet në Bujqësi të shkaktuara nga fatkeqësitë natyrore elementare (faqe 13).
4. Realizimi i mbjelljeve pranverore për vitin 2023 (faqe 14).
5. Fushata e korrije-shirjeve për vitin ekonomik 2022/2023 në Komunën e Malishevë (faqe 15,16)
6. Pylltaria dhe mbrojtja e pyjeve (faqe 16,17,18)

BUJQËSIA

Drejtoria e Bujqësisë duke u bazuar në buxhetin dhe Planin e punës për vitin 2023, dhe në kërkesat e fermerëve, këtë vit ka realizuar një numër të madh të projekteve dhe aktiviteteve ku janë ndihmuar fermerët dhe ekonomit bujqësore në rritjen e produktivitetit për sektorët prioritar. Bujqësia në Komunën e Malishevës, ka filluar të zhvillohet duke u bazuar në angazhimet e bujqve lokal dhe është njëra prej degëve kryesore të zhvillimit ekonomik. Mund të thuhet se një pjesë e madhe e territorit të Komunës është e mbuluar me tokë pjellore dhe ka klimë të përshtatshme që garanton prodhimtari ekonomike dhe profitabilitet të drithërave, pemëve, perimeve dhe blegtorisë.



PROJEKTET E REALIZUARA NGA DBPZHR PËR PERIUDHËN VJETORE 2023

1. Përkrahja e blegtorëve me subvencionim të qumështit përmes pagesave direkte qumësht/litër për 6 mujorin e dytë 2022

Ky projekt është planifikuar të ndahet në dy periudha të aplikimit (çdo 6 muaj), për 6 mujorin e dytë të vitit 2022, ku kemi publikuar thirrjen për aplikim me datë: 19.01.2023 dhe nr: 08/03, ku në këtë projekt kanë përfituar 70 fermerë të cilët dorëzojnë qumësht në pikat grumbulluese të qumështit.

Pas vlerësimit të aplikacioneve të fermerëve Drejtoria e Bujqësisë, Pylltarisë dhe Zhvillimit Rural ka përpiluar listën e përfituesve ku janë përkrahur 70 fermerë (blegtorë) me **0.03 Euro** për litër të qumështit përkatësisht janë subvencionuar 1,074.522.00 litra qumësht.

Vlera e përgjithshme e këtij projekti ka qenë: **32,235.66 Euro**.



2. Përkrahja e blegtorëve me subvencionim të qumështit përmes pagesave direkte qumësht/litër për 6 mujorin e parë 2023

Edhe ky projekt është planifikuar të ndahet në dy periudha të aplikimit (çdo 6 muaj), për 6 mujorin e parë të vitit 2023, ku kemi publikuar thirrjen për aplikim me datë: 01.08.2023 dhe nr: 08/760, ku në këtë projekt kanë përfituar 77 fermerë të cilët dorëzojnë qumësht në pikat grumbulluese të qumështit.

Pas vlerësimit të aplikacioneve të fermerëve kemi përpiluar listën e përfituesve ku janë përkrahur 77 fermerë (blegtorë) me **0.03 Euro** për litër të qumështit përkatësisht janë subvencionuar 917,746.00 litra qumësht.



Foto e dorëzimit të qumështit nga fermerët nëpër pika grumbulluese të qumështit

Vlera e përgjithshme e këtij projekti ka qenë: **30,470.25 Euro.**

3. Subvencionimi i fermerëve me Pagesa direkte për Bletari, dhe Blegtori (dele dhe dhi)

Gjatë muajit prill është publikuar thirrja për aplikim nga ana e Drejtorisë për Bujqësi, Pylltari dhe Zhvillim Rural për pagesa direkte për bletari dhe blegtori (dele dhe dhi).

Me këtë projekt janë paraparë që të përkrahën bletarët me nga 4 euro për shoqëri bletësh, si dhe blegtorët të cilët mirrën me mbarështimin e blegtorisë së imët (dele dhe dhi) qumështore me nga 3 euro për krerë.



Në këtë thirrje kanë aplikuar 106 bletarë si dhe 37 fermerë për dele dhe dhi.

Vlera e përgjithshme e këtij projekti ka qenë: **34,342.00 €**

4. Përkrahja e fermerëve përmes Organizatës “QATAR CHARITY”

Në bashkëpunim me Organizatën “QATAR CHARITY” me seli në Prishtinë si dhe Komunës së Malishevës (Drejtorisë për Bujqësi, Pylltari dhe Zhvillim Rural), si rezultat i memorandumit të bashkëpunimit dhe bashkëfinancimit të datës 31.05.2023 dhe nr. 01/773.

Drejtoria për Bujqësi, Pylltari dhe Zhvillim Rural me datë: 02.06.2023 me nr 08/253, ka hapur thirrjen për aplikim për këto projekte;

1. Serrë bujqësore për kultivim me sip. 96 m² dhe sistem të ujitjes.
2. Shoqëri bletës me 8 - tetë bletë.
3. Frezë dheu për traktor.
4. Kositëse bari për traktor.
5. Moto-kultivator me frezë dhe kosë.

Kjo thirrje për aplikim është e hapur prej datës 02.06.2023 deri me 16.06.2023, ku në këtë projekt kanë përfituar një numër i madh i fermerëve:

- ❖ 53 fermerë me serra me sipërfaqe prej 96 m²
- ❖ 10 fermerë me nga tetë koshere dhe tetë shoqëri bletësh
- ❖ 12 fermerë me freza të dheut për traktor
- ❖ 8 fermerë me nga një kosë bari për traktor
- ❖ 10 fermerë me nga një motokultivator me frezë dhe kosë.

6. Përkrahja e fermerëve me Mekanizëm Bujqësor

Në kuadër të zhvillimit të bujqësisë, lavërtarisë, pemëtarisë, vreshtarisë dhe perimtarisë, Komuna e Malishevës, respektivisht Drejtoria e Bujqësisë, Pylltarisë dhe Zhvillimit Rural ka publikuar shpalljen për përkrahjen e fermerëve me Mekanizëm Bujqësorë.

Shpallja ka qenë e publikuar me datë 01.08.2023 me nr protokolli 08/761, ku në këtë projekt Drejtoria e Bujqësisë, Pylltarisë dhe Zhvillimit Rural ka kontribuar me 70% të shumës së pajisjeve bujqësore, kurse fermeri ka participuar me 30% të shumës.



Në këtë thirrje kanë përfituar 80 fermer me këtë lloj të mekanizmit:

1. Spërkatëse 400 litra 14 copë
2. Shpërndarëse të plehut kimik 350L 17 copë
3. Mbjellëse Misëri 4 rende 15 copë
4. Mbjellëse Gruri 16 rende 14 copë
5. Freza 1.6 m 14 copë
6. Spërkatëse me benzinë kolicë 3 copë
7. Nxjerrëse të qepëve njërendore 3 copë

Vlera e përgjithshme e këtij Projekti ka qenë: **78,986.41 €**

AKTIVITETET E REALIZUARA NGA DBPZHR PËR PERIUDHËN VJETORE 2023

Drejtoria e Bujqësisë për këtë periudhë të punës përveç aktiviteteve që ka pasur në pritjen e palëve, pranimin e kërkesave nga ana e fermerëve, përgjigjen e ankesave, përgatitjen e vërtetimeve për viza turistike për ata fermer që merren me bujqësi, regjistrimin e fermerëve në programin e AZHB-së dhe lëshimin e NIF – it (numri identifikues i fermerit), konsultime me fermerët të cilët nuk kanë pasur njohuri rreth bujqësisë, mënyrës së aplikimeve për subvencione dhe sqarime rreth procedurave të aplikimit, ka kryer edhe punë të tjera si më poshtë:

1. Thirrja për aplikim për Pagesa Direkte për qumësht/litër sipas kategorive të cilësisë, therjet e raportuara të gjedhit, viçat për majmëri dhe akuakulturë për gjashtëmujorin e dytë 2022.

Prej datës **12.01.2023 deri me datë 10.02.2023 ora 16:00** stafi i Drejtorisë së Bujqësisë ka qenë i angazhuar në aplikimin e fermerëve për Pagesa Direkte për qumësht/litër sipas kategorive të cilësisë, viçave për majmëri dhe therjet e raportuara të gjedhit për gjashtëmujorin e dytë 2022, që i ndanë Ministria e Bujqësisë, Pylltarisë dhe Zhvillimit Rural. Gjatë kësaj periudhe në Drejtorinë tonë për këtë masë kanë aplikuar 44 fermerë.

2. Thirrja për aplikim për pagesa direkte për vitin 2023

Ministria e Bujqësisë, Pylltarisë dhe Zhvillimit Rural ka hapur thirrjen për aplikim për të gjithë fermerët e interesuar që të aplikojnë për mbështetje përmes Programit për Pagesa Direkte për vitin 2023.

Këto procedura të aplikimit kryhen në Drejtorinë e Bujqësisë Malishevë, nga stafi i drejtorisë, ku i gjithë stafi merret me procedurat e publikimit të thirrjes, përgatitjen e dokumentacionit, sqarime tek fermerët rreth procedurave për aplikim, si dhe digjitalizimin e parcelave të mbjella.

Përkrahja jepet për këto kultura dhe aktivitete bujqësore:

- Pagesa Direkte për sipërfaqet e mbjella me grurë dhe sasinë e prodhuar/dorëzuar të grurit;
- Pagesa Direkte për sipërfaqet e mbjella me farë të grurit;
- Pagesa Direkte për sipërfaqet e mbjella me elb;
- Pagesa Direkte për sipërfaqet e mbjella me thekër;
- Pagesa Direkte për sipërfaqet e mbjella me tërshërë;
- Pagesa Direkte për sipërfaqet e mbjella me misër;
- Pagesa Direkte për sipërfaqet e mbjella me luledielli;
- Pagesa Direkte për vreshtat ekzistues;
- Pagesa Direkte për verën e prodhuar dhe të deklaruar zyrtarisht;
- Pagesa Direkte për pemishtet ekzistuese;
- Pagesa Direkte për sasinë e dorëzuar/ shitur të frutave të mjedrës;
- Pagesa Direkte për primin e sigurimit bujqësor për kulturën bujqësore të mjedrës, mollës, kumbullës, rrushit, dredhëzës, specit, arrës fasules, misrit, qershisë, vishnjës dhe dardhës si dhe primin e sigurimit bujqësor tradicional (breshër), për kulturën bujqësore të mollës - pemishtet intensive, kulturën e specit - kultivimi intensiv dhe rrushin e verës;
- Pagesa Direkte për prodhimtarinë e materialit fidanor të pemëve drufrutore dhe të hardhisë së rrushit;
- Pagesa Direkte për sipërfaqet e mbjella me perime;
- Pagesa Direkte për prodhimtarinë organike;
- Pagesa Direkte për bimët mjekësore dhe aromatike;
- Pagesa Direkte për lopë dhe buallica qumështore;
- Pagesa Direkte për dele dhe dhi qumështore;
- Pagesa Direkte për bletë;
- Pagesa Direkte për pula vojse;
- Pagesa Direkte për dosa për riprodhim;

Periudha e aplikimit:

Aplikimi ka zgjatur 30 ditë kalendarike, ka filluar nga data 28.02.2023 dhe ka përfunduar me date 29.03.2023 deri në orën 16:00.

Mirëpo me vendim të Ministrisë është shtyrë afati për aplikim deri me datë 14.04.2023 në orën 16:00.

Gjatë kësaj periudhe të aplikimit për Pagesa Direkte për vitin 2023 në Komunën e Malishevës kanë aplikuar 1143 fermerë, ku më poshtë i kemi paraqitur të ndara në Kultura dhe Aktivitete tjera Bujqësore.

Statistikat e përgjithshme të sipërfaqeve të kulturave lavërtare, perimëtare, pemëtare, vreshtave, bimëve mjekësore aromatike si dhe fondi blegtoral, shpezëve, dhe bletarisë, në Komunën e Malishevës.

Tabela 1. Të dhënat e sektorëve për vitin 2023 në Komunën e Malishevës

Sipërfaqja e Kulturave Lavërtare/ha		
	Nr.fermerëve	Sipërfaqja/ha
Grurë	767	2821.26
Misër	388	1052.01
Tërshërë	42	94.03
Elb	7	10.48
Sipërfaqja e Kulturave Pemtare dhe Vreshtare/ha		
	Nr.fermerëve	Sipërfaqja/ha
Mollë	43	124.77
Dardhë	10	16.19
Arra	38	70.84
Vishnje	4	8.38
Qershi	3	3.01
Kumbull	21	19.89
Ftua	2	3.04
Lajthi	3	1.61

<i>Pjeshkë</i>	2	16.19
<i>Mjedër</i>	2	0.38
<i>Vreshta</i>	87	44.13
Blegtori, Shpezëtari dhe Bletari		
	Nr. fermerëve	Krerë/Copë/Shoqëri
<i>Lopë Qumështore</i>	161	1951
<i>Dele Qumështore</i>	39	4839
<i>Dhi Qumështore</i>	10	737
<i>Buallica</i>	1	2
<i>Pula</i>	1	4000
<i>Bletë</i>	73	4969
Sipërfaqja me Kultura Perimore dhe BMA /ha		
	Nr. fermerëve	Sipërfaqja/ha
<i>Patate</i>	2	5.92
<i>Qepë</i>	10	8.4
<i>Lakër</i>	2	2.1
<i>Fasule</i>	3	13.71
<i>Kunguj</i>	5	2.98
<i>Shalqinj</i>	3	2.51
<i>Perime në Sera</i>	2	0.52
<i>Bimë mjekësore dhe Aromatike</i>	4	3.11

3. Dëmet në Bujqësi të shkaktuara nga fatkeqësitë natyrore elementare

Për vlerësimin e dëmeve të shkaktuara nga fatkeqësitë natyrore në bujqësi, komuna ka formuar komisionin profesional për vlerësimin e dëmeve në terren.

Komisioni komunal ka përgjegjësi të:

- ✚ Pranimin e kërkesës nga ana e fermerit/ës;
- ✚ Verifikimin e gjendjes faktike në teren i shoqëruar me procesverbal dhe i nënshkruara nga të gjithë anëtarët e komisionit;
- ✚ Përgatitja e raportit të vlerësimit për secilin fermer/e si dhe dokumentet e bashkëngjitura në vijim:
 - a) Kërkesa e fermerit-ës;
 - b) Procesverbali i komisionit komunal për konstatimin e gjendjes në teren;
 - c) Fotot nga terreni;
 - d) Kopja e letërnjoftimit të fermerit-ës;
 - e) Kopja e llogarisë bankare e fermerit-ës;
 - f) Deklaratë nën betim/ zotim për saktësinë e të dhënave të prezantuara gjatë procesit të vlerësimit të dëmeve.

Në Komunën e Malishevës kemi pasur dëme nga fatkeqësitë natyrore elementare gjatë muajit Prill, ku ka shkaktuar dëme në bujqësi.



Foto nga terreni gjatë vlerësimit të dëmeve nga ngricat pranverore.

Sektori më i dëmtuar ka qenë aj i pemëtarisë, ku sipas verifikimit nga ana e komisionit në Komunën tonë, dëme nga fatkeqësitë natyrore elementare kanë pasur 9 fermerë si kultivues të kulturave pemëtoje, dhe serave si dhe është përgatitur raporti i vlerësimit për secilin fermerë si dhe raporti përfundimtarë, dhe njëkohësisht janë dorëzuar te Komisioni qendrorë i formuar nga Qeveria e Kosovës për shqyrtim dhe kompensim të dëmeve.

Vlera e përgjithshme e dëmeve të shkaktuara nga fatkeqësitë natyrore elementare ka qenë: **64,292.32 €uro.**

4. Realizimi i mbjelljeve pranverore për vitin 2023

Në këtë vit sipas shënimeve të grumbulluara nga tereni në Komunën tonë kanë qenë të planifikuara të mbillen me kultura pranverore afër 1,479.20 ha, ndërsa janë realizuar 1,358.42 ha.

Tabela 2: Struktura e mbjelljeve pranverore

Nr.	Kultura	Sipërfaqet e realizuara ha
1	Misër për kokërr	895
2	Misër i gjelbër (për sillazh)	157
3	Tërshërë	94.03
4	Elb Pranveror	10.48
5	Patate	57
7	Perime	95.2
8	Bimë Foragjere	36
9	Fasule Monokulturë	13.71

5. Fushata e korrje-shirjeve për vitin ekonomik 2022/2023 në Komunën e Malishevës

Fushat e korrje-shirjeve në këtë vit në komunën tone ka filluar me datë 14.07.2023

Drejtoria për Bujqësi, Pylltari dhe Zhvillim Rural i ka bërë të gjitha përgatitjet e nevojshme në mënyrë që ky proces mjaft i rëndësishëm të shkoj mire dhe të mos ketë pengesa, për këtë arsye është formuar shtabi komunal për korrje-shirje.

Shtabi komunal i formuar me anë të vendimit të Kryetarit në përbërje prej 5 anëtarëve , gjatë gjithë kësaj periudhe ka qenë në teren duke bërë inspektime për të parë që gruri ishte në pjekuri të plotë dhe lagështia e grurit a ka qenë në suazat e lejuara për korrje.

Në këtë vit në territorin e komunës sonë kanë qenë të mbjella me drithëra të bardha rreth 3,623.51 ha, dhe këto sipërfaqe janë pritur që të korren gjatë kësaj periudhe.

Drejtori e Bujqësisë para fillimit të kësaj fushate i ka informuar autokombajnerët dhe i ka njoftuar lidhur me rregullat që duhet ti përmbahen si dhe rreth çmimit të rekomanduar për korrje-shirje nga ana e Ministrisë së Bujqësisë, Pylltarisë dhe Zhvillimit Rural, e që ka qenë 130 € / ha.



Kushtet atmosferike jo të mira, reshjet e shpeshta dhe të shumta kanë ndikuar që fillimi i fushatës së korrje-shirjeve të jetë pak më i vonuar. Këto kushte kanë ndikuar në rendiment çka do të thotë se këtë vit rendimenti është pak më i ulët se sa vitin e kaluar, mirëpo krahasuar në nivel vendi është në suazat e mesatares.

Rendimenti mesatar i grurit për këtë vit ka qenë rreth 2,850.00 kg/ha.

Fushata e korrje-shirjeve në territorin e Komunës së Malishevës zyrtarisht ka përfunduar me datë: 04.08.2023.

PYLLTARIA DHE MBROJTJA E PYJEVE

Gjatë vitit kalendarik 2023 stafi i Njesisë pyjore Komunale në mbrojtjen e pyjeve nga dëmtimet e ndryshme eventuale si nga prerjet ilegale, po ashtu edhe nga faktorët tjerë (zjarret, sëmundjet e ndryshme, insektet etj), uzurpimet e tokave pyjore, prerjet pa leje të drunjve në pyjet private, ndërtimet pa ndërrim destinim të pronës etj; përkundër vështirësive natyrale të ndryshme duke u nis nga stafi jo i mjaftueshëm për mbrojtjen e 7800 ha pyje publike dhe vëzhgimin e punëve në mbi 8000 ha pyje private, mungesa e një veture për punë terreni në pyje për efikasitet në punë; mund të konkludojmë se kemi përmbushur kënaqshëm detyrat dhe obligimet sipas ligjit.

✚ Gjatë këtij viti në pyjet publike të Njesisë “Pyjet e Malishevës” kemi pasur 2 raste të shpërthimit të zjarreve dhe janë përfshirë rreth 30 hektar, ku ky zjarr ka zgjatë 2 ditë. Zjarret kishin ndodhur në muajin shkurt në Rajonin “Rrafshina” para fillimit të vegjetacionit, në ndërkohë kemi rigjenerim të drunjve. Në Rajonin “Dubrava” zjarri ka ndodhur në vjeshtë dhe zgjati dy ditë, dëmet ishin të konsiderueshme dhe për rigjenerim eventual të drunjve duhet pritur fazën e vegjetacionit si dhe për bimët tjera. Në parandalimin e dëmeve më të mëdha duhet cekur intervenimin profesional dhe në kohë të Njesisë së Zjarrfikësve në Malishevë.

✚ Nga pronarët e pyjeve private gjatë vitit 2023 kemi pranuar 11 kërkesa për damkosje dhe prerje të drunjve të zjarrit për nevoja familjare, nga të cilët janë kërkuar 146 M3

drunj zjarri, ndërsa janë realizuar 42 M3. Duhet cekur se viteve të fundit ka rënë shfrytëzimi dhe numri i kërkesave për prerje të drunjve të zjarrit në pyjet private.

- Nga Gjykata janë nxjerrë 87 Aktvendime për dëme nga prerësit ilegal të drunjve në pyjet e Njesisë “ Pyjet e Malishevës “me dëme pyjore prej 108.20 M3 në vlerë monetare 17321.62 euro. Prej tyre 55 Aktvendime janë pozitive dmth dënuese , Aktvendime të pezulluara për shkak të parashkrimit janë 32, dhe negative nuk ka. Nga Gjykata për Kundërvajtje janë nxjerrë 49 Aktvendime dënuese dhe janë pezulluar 31 Fletëparaqitje. Ndërsa Gjykata Penale ka nxjerrë 6 Aktvendime dënuese, një Fletëparaqitje Penale është pezulluar.
- Nga Rojat e pyllit në vitin 2023 janë ngritë në Gjykatën për Kundërvajtje dhe në Prokurori 32 Fletëparaqitje për dëme në drunj nga prerësit ilegal, për dëmin e shkaktuar në M3 44.27 në vlerën prej 7078.00 euro.

Gjatë muajit dhjetor me vendim të Drejtorisë për Bujqësi, Pylltari dhe Zhvillim Rural, është bërë kontroll e rregullt vjetore për evidentimin e dëmeve në “ Pyjet e Malishevës”, sipas vendimit komisioni ka hartuar raport mbi të gjeturat në teren, ku në formë të përmbledhur japim në tabelën në vijim të dhënat për 5 (pesë) Rajonet e Njesisë;

Tabela 3: Të dhënat e gjetura në teren për 5 rajonet e njesisë.

Roja e pyllit	Rajoni	Demi i gjetur M3	Demi në euro	Nr i Fletpara.	Demi i M3 arsyetuar	Demi euro	Demi i paarsyetuar M3	Demi i paarsyetuar në euro
Fahredin Bytyqi	Cer1	14.68	1980.16	6	10.91	1667.88	3.77	317.28
Sheremet Berisha	Rrafshina	4.77	763.20				4.77	763.20
Naim Berisha	Bjeshka	27.32	4122.79	12	18.48	3037.77	8.84	1085.02
Sheremet Berisha	Mirusha	9.86	1449.20	4	4.95	792.00	4.91	675.20
Fahredin Bytyqi	Dubrava	16.07	2374.70	6	9.93	1588.80	6.14	785.90

Gjithsej dëmet e gjetura 72.70 M3 ose 10690.11 €, prej të cilave dëme të arsyetuara me ngritje të Fletëparaqitjeve nga rojet 44.27 M3 në vlerë prej 7078.45 euro, ndërsa dëme të paarsyetuara 28.43 M3 në vlerë 3626.58 euro.

Duhet cekur se bashkëpunimi me drejtorit tjera si Drejtorin e Kadastrit dhe Inspektoratit në Komunë ka qenë në nivel sikurse me Agjencionin Pyjor të Kosovës - zyrën regjionale në Prizren, Inspektoratin qendror të pyjeve të Kosovës , e veçanërisht me Policinë e Kosovës- Stacioni Policor Malishevë si dhe me Shërbimin e Njesisë së Zjarrfikësve Malishevë

Drejtori i DBPZHR:

Sylë Dukolli ecc. dip.
